

山川考上第四 附水利

辰州府志四

知府事吳縣席紹葆宜民輯

地胡而名匪山弗靈岡巒崩劣沈鬱莫升周通四達誰泄誰停急也伏流怪則天阨苗鍾其蠢人挹其清在昔二酉發文之馨亦粵壺頭觀武之成辰沅舞序千里波激選靈去頑山水晶瑩臥遊有自鳥用輜輶作山川考第四

沅陵縣

桐木山府城中之主山其後龍自永順來由夜火腦至大蘭山過金竹寨已百十餘里左水出深溪右水出

辰州府志

卷四

山川考上

一

明溪又五十里至白嵒起高峰蜿蜒折入一線起桐木山爲府治右則飛霞左則鶴鳴俯瞰諸山環拱如畫萬家烟火盡列治前實一郡之勝也

飛霞山府之右肱其高相若所見亦相若府城隍廟立其上縣城隍附焉沅陵縣治在其麓

鶴鳴山府之左肱其高相若縣學立其麓地雖勝而壬丙之向不對正峰學基前窄後寬得方整爲佳

天寧山鶴鳴山之脉自東門外逆盤而上上有報恩寺紫宸山隨天寧山逆盤而入駐於文昌門上有北極觀以上五山皆城內也

虎谿山縣郭西里許爲飛霞山之右支迤西一里爲西水會沅江處鷹翅洲帶其前山水聳秀可以登眺餘姚王陽明先生遊其上甚久後建虎谿書院祀之至今郡士皆肄業其中其麓爲隆興寺

雲棲山縣東郊

三嵎山縣東二里三峰鼎峙唐貞觀初創三嵎寺

按名勝志辰水出三嵎山誤甚三嵎前後左右並無水也

明月山縣西二里一壁削立江岸上有明月寺縣東一百八十里亦有明月山

辰州府志

卷四

山川考上

二

南山縣南一里名勝志一名客山周廻十餘里北瞰大江有石磯高廣百尺名曰南崑下有箭潭其深不測相傳馬援投矢於潭故名

湖南通志

按馬援終於壺頭未曾到此投矢事恐誤

怡容山縣東南一里峰巒奇秀紫霞重疊令人可怡香爐山縣東南二里屬郡學巽方萬歷中知府毛允讓建浮屠七級於其上今浮圖頂有木生焉青翠可愛鳳凰山縣東南二里爲郡治青龍吞二水之曲流環諸峰於指顧爲近城第一勝概萬歷二十八年庚子知府屠本峻構廟祀真武僧圓相復創觀音堂其旁僧

如東平其途徑鬱然改觀遊者頗衆

筆架山縣東南九里連峰排列宛如筆架與府學對
何家山縣東北五里

龍泉山縣西北七里西口山徑幽折林木葱蘢俯白田
環酉水左闢靜空曰映江閣中建古寺右有龍泉雍
正間知縣趙念曾題其門曰陳地古今吟眺題咏者
甚富

太陽山縣東六十三里馬底驛

楊耳山縣東七十里楊武堡路通芙蓉關

齊眉山縣東八十五里楠木堡

辰州府志

卷四

山川考上

三

牛頭山縣東十里下有白砂灘岸橫一石舊傳王文成
公手書白砂二字今字形隱約遠望之猶見

白雲山縣東八十里北溶堡

銀壺山縣東一百里碣灘山高懸一石形如壺色如銀

馬鞍山縣東一百里山勢起伏形似馬鞍

仁猴山縣東一百二十里清捷堡

鳳形山縣東一百二十里山勢翔舞如鳳

馬佳山縣東一百二十里

暘笳山縣東一百二十里

木南山縣東一百二十里

中山縣東一百二十五里

壺頭山縣東一百三十里洞庭保形如海上方壺上有一池漢伏波將軍馬援征五溪蠻軍次下雋有兩道可入從壺頭則路近而水險從充則塗夷而運遠耿舒欲從充援欲從壺頭帝從援策建武二十四年二月進營壺頭賊乘高守隘水疾船不得上會暑甚士卒多疫死援亦中病困乃穿岸爲室以避炎暑賊每升險鼓譟援輒曳足觀之左右哀其志莫不爲之流涕至今山中生薤云是伏波屯兵時所種或無意遇之捆負而歸舊有伏波廟

辰州府志

卷四

山川考上

四

按水經注壺頭山高一百里廣圓三百里山下水際有新息侯馬援征五溪蠻停軍處壺頭徑曲多險其中紆折千灘查今壺頭有馬援鑿石避暑遺室所謂曲折千灘亦似若所云高則二十分不得其一橫則十分不得其一矣未見其確也

唐湖山縣東一百三十里官莊堡

柳林山縣東一百三十里

寧鄉山縣東一百三十里

花崑山縣東一百三十里

菜葭山縣東一百五十里

萬陽山縣東麻伊湫一百五十里峭聳異勢舊有鐵瓦寺明進士唐愈賢家其旁因字萬陽

神仙山縣東一百六十里

夸父山縣東一百八十里在界首上俗名撐架山朝野僉載夸父山在辰州東三石品立銳十餘丈形如鼎足古老傳曰鄧夸父與日競走至此炊飯此三石者夸父支鼎之石也水經注沅水又東歷三石澗卽此曰山曰澗名不同耳

稻蘿山縣東二百五十里池蓬堡

荷沐山縣東三百里大溪堡

辰州府志

卷四

山川考上

五

光明山縣西十五里一名龍門山方輿勝覽有丹砂井夜半光明燭天名勝志其下有龍爪崑湖南通志

按舊說如此今久無光氣矣

藤山

一作藉
胡麻也

縣西十七里

白田山縣西十里白田頭村中亂峰嵯峨每雪霽後山頭積素望若圖畫湖南通志

烏龍山縣西五十里駱駝堡

駱駝山縣西五十里

古台山縣西五十里三青堡

夢龍山縣西一百里郎塘堡

鷄公山縣南十六里長田堡

穿雲山縣南二十里

白崖山縣南二十三里

葉家山縣東一百四十里

雲台山縣南四十里淘飯堡山徑蒼鬱時有雲氣嘘騰
其間

黃龍山縣南四十里

杜家山縣南五十里

虎頭山縣南五十里

象形山縣南六十里

辰州府志

卷四

山川考上

六

金華山縣南六十里高十里巔有石夜視若碎金疊起
天半側嶺如橋置身其間羣山小而蒼樹平萬壑低
而宿霧湧郡邑城郭燦如繡錯山多崑洞深不可測
中有雷洞洞前有泉汲者梯而下烹茗極佳洞中雷
嘗出入菴內潘勝鵬有記

官界山縣南七十里

金鳴山縣南七十里

金鐘山縣南七十二里與上馬崑相連

青石山縣南八十里散水堡

花山縣南八十里

虹頭山縣南八十里

九龍山縣南八十里

川山縣南八十里

今聖山縣南八十五里山左有文昌閣上有廟

雲霧山縣南九十里乾溪堡

白鶴山縣南九十里

朝陽山縣南九十里

仙人山縣南九十里

金紫山縣南一百里朝陽暮靄掩映巒壑紫氣騰躍可

掬

辰州府志

卷四

山川考上

七

义角山縣北七十里竹坪堡

茗山縣北一百五十里谷深崖險人獸阻絕

運茗山在茗山之南奇特高峻木多松栢

洪山縣東南三十里山逆行百餘里連峰列峙爲郡城

賓山

赤竹山縣南清水鋪與洪山相連天欲雨其上先有雲

霧僧厥修建菴曰雲霧知縣袁偉嘗遊其巔爲僧題

淨室銘

按知縣袁偉不知何時不知何縣此修志之所以

重年月地名也不知者從而刪之故後人莫能詳

也

鶴籠山縣東南五十里松溪保以形似名

高倚山縣東南七十里版橋堡

楊柳山高三里寬四里城東一百八十五里

芋山縣東南九十里與柘溪洞相聯寰宇記沅陵縣芋

山有蹲鴟如兩斛大食之終身不饑

湖南通志

夷望山縣東南界一百八十里水經注云沅南今桃源縣

西有夷望山孤竦中流浮嶮四絕昔有蠻民避寇居之故謂之夷望也今桃源志訛作怡望辰志無之其音訛爲禹望又訛爲漁網

辰州府志

卷四

山川考上

八

聚雲山上有雙修寺

入雲山縣西南一百二十里浦市

常安山縣東北三十里城中遙望峰巒隱矗上有太平

菴

銅鼓山縣東北一百六十里邑人李茂林有記

羅山縣西北十里山甚秀雅別開一境相傳唐刺史黃

元仙隱此

按縣志作羅星山恐誤

小西山縣西北二十里烏速居東小西居西西江自四

川酉陽發源由東北而西南有溪自西來經小西山

麓故名小西溪土人以此山爲西江西溪合流之所故名之曰二酉山二酉者以水名也玉屏爲頂蓮花爲座上有煉丹池池水從記崑噴雪而下謂之記崑溪有藏書篋中空可容百人有記崑記藏書之由字迹磨滅鮮讀者在房有石穴名妙華洞荊州記小西山石穴中有書千卷相傳避秦人所藏方輿勝覽堯時善卷隱此洞在山半梯而上頂有村有田有耕者按二酉因水得名明史載大西山入沅陵者誤

烏速山今名蟠龍與小西東西對峙小西高其奇難探烏速低其勝易尋硃崎磊落縱袞嶺轟爲沅陵近城辰州府志

山川考上

卷四

九

第一又上爲對崑從小西望之崑中字大小橫直各自成章拔地而起千尋壁立廣輿記載之而舊志遺之渡江而北謂之烏速村渡而西謂之烏速灘

金鷄山縣西北一百三十里在羅油溪上有金鷄小洞近建菴山下溪水廻環平山掩映

按沅陵四望皆山舊府志僅載十八山縣志稍詳亦僅載三十一山今採水經注湖廣通志諸書缺者補之略者詳之又令紳士耆民廣爲採緝始略與瀘淑縣志相稱他如辰谿永綏採補增添亦皆大費心力

明月峰縣東一百八十里大江之涯孤峰突起至頂門而爲二飛橋以渡懸徑險折其上有菴水經注云沅水又東歷臨沅縣西爲明月池白壁灣灣狀半月清潭鏡澈卽此元和志下有明月池素崖峭壁若披霜雪松篁插翠池水清漪皎然月白又謂之明月滙按明月池其開自漢而攝其勝者則以峰也明月去臨沅較遠故武陵志不載武陵古臨沅也而其菴又書明月山故峯名遂隱

文峰縣北二百里河頭堡一峰矗起秀插雲表

冷峰縣東南一百八十五里去聖人峰三十里高十之

辰州府志

卷四

山川考上

十

七俗謂之冷峰尖言其高而寒也與溱浦交界

聖人峰縣東南二百一十里與安化交界其高不可及相傳大禹治水經宿其上至今產聖人菜味甚美

龍騰峰縣西南七里高聳特出

湖南通志

雙峽峰城東二百里

龍家峰城東二百一十里

高望峰縣西北二百八十里其高二十里與永順界土人稱高望界

仙人嶺縣東六十五里

文武嶺縣東八十里北溶堡

橫鈎嶺縣東一百五十里

馬房嶺西郊

石藏嶺縣西五十

清綱嶺縣西五十里

黃鳳嶺縣西五十八里

楊湖嶺縣南十五里

樟佳嶺縣南五十里

廻龍嶺縣南五十里

長嶺縣南五十八里船溪垢葦堡

竹山嶺縣南六十五里

辰州府志

卷四

山川考上

十一

大茭嶺縣南六十里

洞坎嶺縣南七十里

桐皮嶺縣南七十五里

上睦嶺縣南七十二里

遍崑嶺縣南七十五里

唐坡嶺縣南八十里乾溪堡

黃泥嶺縣南八十里

長腰嶺縣南八十里

巷溪嶺縣南八十里

花山嶺縣南八十里

長平嶺縣南八十里散水堡

杉木嶺縣南八十里

獻毛嶺縣南八十五里

馬鬃嶺縣南九十里又有同名在縣東一百三十二里

在縣北三百里者

楠木嶺縣南九十五里

深坳嶺縣北二百里

瑤膩嶺縣北三百里

榔木嶺縣北三百里

葱嶺縣

里武陵記謂之葱嶺寰宇記謂之葱

辰州府志

卷四

山川考上

十二

山云山有葱知人口人往取之輒絕禱而求之不拔

自出湖南通志

七盤嶺縣東南四十里翠嶺峭拔行者側足

銅錢嶺縣東南七十五里

填文崑縣東六十三里

金鷄崑縣東七十里楊武堡

磯功崑縣東一百六十里界首堡

醴舟崑縣東一百六十里明月峰之旁高敞幽靜足供

吟眺

偃玩崑縣東一百七十里

鐵箱崑縣東一百八十里界首形如箱

燕子崑縣西三里西口其旁有泉水甚甘前人題石曰
金砂井又縣東一百四十里清捷堡亦有同名者

香爐崑縣西八十里石懷堡

辛女崑縣西七十里沅陵界江上奇峰絕壁有石立如
人詳見瀘溪

機崑與辛女崑隔江相對有磯一乘船一隻懸於崑孔
又連亘十餘里皆峭崑崑中有洞里人懸而上避兵
焉橫木爲架鱗次可觀

鶯崑縣南五里洲頭堡

辰州府志

卷四

山川考上

十三

黑崑縣南二十五里

架虎崑縣南二十五里

老護崑縣南二十八里

古寨崑縣南三十里

破斧崑縣南三十五里

下馬崑縣南五十里楊溪堡

晶崑縣南六十里溪水遶其前清幽之趣可挹

仙人崑縣南六十里垢葦堡

金龜崑縣南六十里船溪驛崑之上有八卦痕

上陸崑縣南七十里

獅嵒縣南七十里高二丈寬深倍之土人以其形似而名

黃木嵒縣東南七十二里上有一嵒高不及半橫稍過之

上馬嵒縣南七十二里金鐘山

尖嵒縣南八十里

獸形嵒縣南八十里

龍蟠嵒縣南八十里

獅子嵒縣南八十里散水堡

天湖嵒縣南八十里楊溪

辰州府志

卷四

山川考上

十四

虎形嵒縣南八十里

白山嵒縣南八十里乾溪堡

邊山嵒縣南八十里寬宏足容大廈

虎坐嵒縣南八十里

印嵒縣北

白嵒縣北二十里山多白石望之如雪一名白厓

方石嵒縣北三十里才優保與永順分界

白霧嵒縣東南五十里白霧堡中有石人石龍玲瓏奇

異歲旱入嵒取水祈禱輒應山之腰有嵒平坦可讀

書土人以爲書舍

岑磯崑縣西南四十里

白龍崑縣西南九十里沅江上傳有白龍曾伏其中今白石峭起其首若龍然

記崑縣西北二十里小西山側磊落奇怪詳小西山對崑烏速山半與小西對立其奇詳烏速山

龍爪崑縣西二十里烏速堡

鹿耳崑縣西六十里山半一石洞宛似鹿耳洞內爽朗冬溫夏涼邑人胡鰲姚璋讀書其中

西眉崖縣東六十五里高峭挺立遠望如屏

屏風崖縣東八十里北溶聳立河側隱若屏障

辰州府志

卷四

山川考上

十五

磨石崖縣東一百二十里約高二十餘丈

高崖縣東一百五十里百仞兀立上有廟路窄僅容一人東望小桃源西望界亭

石藏崖縣西五十里

遙攤崖縣西五里洲頭堡

白馬崖辰州界其下爲喏溪可聚衆據守

宋史

雄壁崖縣北三百里高十餘里其上寬二十餘里別有小山迤延如在平地其北則永順也居者甚衆時在雲中非過其地者不知也

木龍洞縣東六十五里宏敞如屋

甕子洞縣東一百八十里形如廩聲如甕沿江岸峭壁
深潭上船無路康熙初岳常道遲日豫捐銀二千兩
製鐵索數千丈鑿孔繫索後大守劉應中復修

楓子洞縣東一百八十里與聖人峰相聯樹木陰翳猿
獠所宅可以祈雨內有龍潭

璜璃洞桑木洞污蓮洞俱在縣西五十里朗塘堡

菜花洞縣西六十里桐木堡

神營洞縣西六十五里由舒溪而進草木森蔚林壑皆
靜兩岸十餘里石山中空而爲洞者六七其大者可
容萬人小者亦數千人對峙而狹者爲門戶環圍而

辰州府志

卷四

山川考上

十六

遠者爲牆垣寬者爲堂深者爲奧層者爲樓岐而幽
者爲室林木衆而雲霞封者爲帷幕蒼翠壁立者爲
屏特立遠望者爲臺茂樹可休息者爲亭禽鳥往還
魚鱉遊泳似有神營之不可勝窮里人潘亮淵有舒
溪記存藝文中

女娘洞縣北一百里水自洞中出合於明溪

龍蛇洞縣南十五里

白鶴洞縣南二十里

雲從洞縣南二十里明天啓中知縣郁成治始闢焉深
可數里藍水遶兵下清淺可愛洞外舊有雨花菴洞

內可容數百人口雖隘內甚明亮厓石懸倒而下有如纓絡者有如芙蓉者深可一里旁多小洞洞皆相通堪與西湖飛來峰競秀乾隆中縣丞林元炯肩輿識小紀之甚詳

紅崖洞后洞俱縣西南四十里麻溪堡

石流洞縣西南五十八里船溪垢葦堡

伏善洞縣南六十里荔溪堡

匣門洞縣南六十里楊溪堡

敞平洞縣南七十二里

三眼洞縣南八十里散水堡

辰州府志

卷四

山川考上

十七

乾音干溪洞縣西八十里左右十餘里之水無可出皆伏

流洞下至杜堂趵突而出水流洞下洞深二十里可

藏萬人爲居民避寇之所故名之曰乾溪又名之曰

水洞康熙初知府鄢翼明遊此愛其冬溫夏涼易曰

溫涼洞乾隆間縣丞林元炯肩輿識小紀之甚詳

按辰州伏流甚多乾溪處大路之旁故特著也□

楠木洞在縣南八十里

七仙洞縣西九十里乾溪鋪東有七門傳七仙女寓此

今奉爲五穀神春秋祀之縣東南四十里松溪亦□

同名者

冷風洞縣南九十里乾溪堡

山北洞縣南九十里

鍋洞縣東南三十里清水鋪洞內有仙人種田遺跡可占水旱門外有石鍋

柘溪洞縣東南九十里其上石穴有風雨雪三處前有石池遇旱禱之水沸則雨

玉華洞縣西南六十八里船溪驛之右舊名偏崑萬歷初瀘溪知縣王京更名朝陽後叅政郭棐改曰玉華洞口狹曲身而人漸寬大有二石柱一自上而下倒懸丈餘一自下而上亦高丈餘兩柱相去咫尺擊之

辰州府志

卷四

山川考上

十八

有鐘鼓音又進壁上有手掌大徑四五尺又進崑壁嵌空結黃羅蓋花草虬龍雲光霞彩宛若仙境又進得二洞一深不可測一可出與入口相去二十餘丈乾隆中縣丞林元烱有肩輿識小紀之甚詳洞口有萬歷甲申雲南巡按御史張應揚碑遊客多有詩小西洞縣西北二十五里左旁有妙華洞詳小西山歐公洞縣東北里峭壁懸崖有水簾垂數十丈聲如鳴珂

長嶺岡縣北二百四十里

鶴坡在城內北門又名倉坡又名北坡

魚鱗坡在西郊縣東一百里碣灘堡亦有同名者

把關坡在北郊

泥塘坡縣東六十里

桃水坡縣東七十里

繫茆坡縣東八十里

馬安坡縣東一百里

來捷坡縣東一百二十里清捷堡

桑木坡縣東一百二十里清浪堡

大木坡縣東一百三十里洞庭堡

苦菜坡縣東一百四十里

辰州府志

卷四

山川考上

十九

版栗坡縣東一百六十里界首堡

白老坡縣東三百里大溪堡

魯雅坡縣東三百二十里大溪堡

羊古坡縣西七十里蓮花堡

白楊坡縣西七十里蘆琪堡

摩鶯坡縣西八十五里石懷堡

望城坡縣江南五里

接嶺坡縣南十三里

金錢坡縣南二十里

叢坡縣南二十三里

邊山坡縣南三十五里

長坡縣南五十里楊溪堡

黑崑坡縣南六十里

門樓坡縣南六十里楊溪堡

上地坡縣南六十五里

虎路坡縣南六十八里垢葦堡

坳門坡縣南七十里

龍脛坡縣南七十二里

黃崑坡縣南七十二里

金鼓坡縣南七十二里

辰州府志

卷四

山川考上

二十

料斗坡縣南八十里

黃土坡縣南八十里散水堡

柳界坡縣南八十里

兔子坡縣南八十里

碎崑坡縣南八十里乾溪堡

連三坡縣南八十五里

萬兒坡縣南九十里

橫岡坡縣北

忘凍坡縣北六十里竹坪□

千金坡縣北三百里

構皮坡縣北三百里

糧山坡長腰坡俱縣北三百里

清山坡縣東五十里路途險仄上下坡隔二里許中有亭

竹坪坡縣東南六十五里

九磯坪縣東二十八里

柔蘭坪縣東六十里民居稠密

楓香坪縣東一百三十里

黃楊坪縣東一百六十里界首堡

孟家坪縣東一百六十里

辰州府志

卷四

山川考上

二十一

七家坪縣東二百五十里

紅樹坪縣西三十里

蘆坪縣西四十里

琪坪縣西六十里蘆琪堡

拱勝坪縣西六十里

清水坪縣西

明溪坪縣西一百里

紅土坪縣北三百里

百羊坪縣西南五里

豹坪與百羊坪相近

南莊坪在辰谿縣南岸田係沅陵有額載糧數

胡紫尖縣東一百六十里界首堡

高峰尖縣東一百六十里

檀桐尖縣東南五十里白務堡

教子界縣東一百四十里

竹紫界縣東三百里

白水界縣西三十五里

黃竹界縣東一百七十里

魯公界縣西一百六十里

白竹界縣西一百七十里

辰州府志

卷四

山川考上

二十二

迴水灣縣東七十里

桃灣縣東一百三十里

拱家灣縣東一百三十五里路近楓樹林滇黔陸路所
必經舊有楓樹數十株皆大十餘圍夾道對立春夏
間清蔚干霄足蔭行人後頗損折近惟存十四株居
民相約禁樵採亦培植古物之意也

五家灣縣東三百里

棕灣縣南七十里

崖頭灣縣南一百一十里

沅江府城前源出牂牁故且蘭縣

明職方地圖
今遵義府

中過通

道謂之渠江經靖州會同至黔陽托口漚江自沅州來注之溱江自溱浦來注之辰江自辰谿來注之西江自四川來注之獨爲五江之總而五溪之源流悉歸於是舊志以經沅州者爲沅是以漚爲沅誤矣詳謝鳴謙五江五溪考

西江今沅陵縣西里許溯源千里中分三支北自湖北宣恩南自貴州松桃中則自酉陽州之酉源山合於龍山保靖之間又謂之北河中受明溪小酉溪諸水至縣西入沅謂之酉口又謂之受水

按舊府志辰水在縣東二里源出三嵎山入沅江

辰州府志

卷四

山川考上

二十三

查三嵎山水不盈尺源不逾里至夏秋則並無水府志旣取以入志而名勝志遂因以俱失亟宜改正

明溪縣西北名勝志以竇應明所駐師而名源自永順賀虎山入於西江

按明溪湖南省志以爲櫛溪而縣志亦有古作櫛溪之說查櫛溪爲五溪之一與酉溪相去不應僅三十里且明溪以竇應明而名來自漢末故人但稱明溪無知爲櫛溪者永順志載櫛溪出四川百歲山至酉陽入江雖未嘗註曰五溪而名與書皆

清水溪縣西五十里流三十里入烏速

妍溪縣西四十里流二十里入烏速

桐木溪縣西六十里流三十里入烏速

榆溪縣西四十里通烏速河

洞平溪縣西八十里

松溪縣西五十里

紅樹溪四方溪俱縣西三十里

樂鶴溪縣西五十里

石門溪縣西十五里

冷水溪縣西二十里

辰州府志

卷四

山川考上

二十五

沙平溪縣西七里

大龍溪大里溪俱在縣西四十五里

肇家溪縣西里許曲流三里入沅江

蕭葭溪縣西里許入沅江

五里溪縣西三十五里

耍溪縣西二十里

丑溪縣西二十五里

池蓬溪一名鄭江水縣北二百六十里

崖珂溪縣北二百四十里

大宴溪縣北三百里入沅江

朱紅溪縣北一百里入沅江

椒紫溪縣北二百里

春三溪縣北三百五十里

日大溪縣東北三百二十里有浮流溪與之埒同入沅江

萬陽溪縣東北二百三十里麻泮泱月池保下流入沅江

梅子溪縣東北二百二十里清浪保流三里入沅江

大溶溪小溶溪方竹溪俱在縣東北八十里

若布溪縣北九十里

辰州府志

卷四

山川考上

二十六

藍溪縣南四十里源出楓溪渭溪二水合流有養馬溪二十五里注之橋溪二十里注之寒池溪蒙溪十五里交注之楊家坪滙白霧諸小溪歷桐木坪注之湖田一源至黃土田兩岔溪合流長田注之逆出十餘里入沅江或曰此射文水也

荔溪縣南六十里麻伊溪縣南四十里入沅江

楊溪縣南一百里中有巷溪縣南八十里注之有十九溪縣南四十里注之入沅江

散水溪縣南七十五里中有花山溪注之又有黑馬小溪注之又有兔子溪注之滙樂伊溪入沅江

方田溪縣南一百十里

楊柳溪縣南六十里下楊溪四十里入沅江縣東一百里亦有同名者小溪也

黃泥溪縣南六十五里由船溪五十里入沅江

卯東溪縣南七十里由船溪五十里入沅江

沙坪溪縣南六十里由垢葦溪三十里入沅江

逸溪縣南七十里

來溪縣南九十里桑木溪七十里注之入沅江

精崑溪縣南六十里

羅油溪縣南

辰州府志

卷四

山川考上

二十七

浦溪縣南在浦市上

文家溪縣南六十二里由平保六十里入沅江

河葭溪縣南五十里由下潘坪四十里入沅江

春伊溪縣西南

神唐溪縣南五里

南溪縣南五里

洞溪縣南四十里

箭潭溪縣東南三里

容溪縣東南

老灣溪在江南俗訛作老鴉溪

西衝溪在江南

乾溪縣南九十里卽古鑑溪也劉禹錫道經於此曾鑑
白髮後好事者碑之卒災於水白蛇溪暨沙坳溪與
相等注之樟葭溪流八十里注之入沅江

烏龍溪在東郊

南溪縣東南五十里

轍溪縣東南四十五里入沅江

從溪縣東九十里其深莫測

平溪縣東七十里上有木橋

馬底溪縣東六十里上有廣濟橋

辰州府志

卷四

山川考上

二十八

怡溪縣東南源出安化界歷遙佳溪流清捷河百里入
沅江

通溪縣東一百五十里界首保流三十里入沅江

黃楊溪縣東一百六十里

綠水溪縣東一百五十五里下流三十里入沅江

硯石溪縣東一百里碣灘堡

蘇黃溪縣東一百六十里與桃源界

界亭溪縣東一百三十里上有善政橋

滴水溪縣東一百四十里上有石橋

甘霖溪縣東一百四十里

□竹溪縣東一百三十里

□家溪縣東一百三十里八里滙於清捷河

□溪縣東一百二十里

木旺溪縣東一百八十里

長寒溪縣東一百八十里通七里溪

七里溪縣東一百七十里下流四十里通遙佳溪

遙佳溪縣東一百三十里又有聶溪楊柳溪

清捷溪縣東一百二十里與瀾口遙佳柳樹溪滙流

頭渡溪縣東一百三十里又有二渡三渡磨于拱家荆

竹皆溪名也

辰州府志

卷四

山川考上

二十九

蕉溪縣東一百七十里

淶溪縣東上有塔

茗溪縣東北源出茗山

紫林溪縣東一百三十里通界亭溪

大溪縣東一百九十里中有閩溪通中渡水

舵家溪縣東一百四十里十五里通頭渡水

梨枝溪縣東一百里三里通遙佳溪

舍藏溪縣東一百四十里十里通遙佳溪

謝葭溪縣東一百三十里十里通南溪

百曳灘縣東十里俗傳漢劉尙征蠻舟行至是江流迅

疾命百人曳之

高湧灘縣東二十里

九磯灘縣東二十里許石磯有九盤曲嶙峋水流瀟滄
橫石灘縣東四十里有石梁橫水底

北斗灘縣東四十里灘下有七怪石隱若斗杓

清浪灘縣東一百八十里灘口有山門灘閃電洲又名
敬畏灘怪石橫湧白浪泊天者數里上有伏波祠乾
隆二十四年潘善人正琥親督工匠竭力鑿修險阻
乃十去其八

雷迴灘縣東一百四十里江流觸石其聲如雷

辰州府志

卷四

山川考上

三十

次灘鳳灘俱酉江內向有大楠木三株斜埋灘口舟過
鮮有不覆者謂之鬼門灘乾隆二十六年潘善人正
琥身先工匠鋤而去之謂之太平灘

烏速灘酉江內小西山之下

燕子灘在酉口水漲時聲若雷轟直徹城內或曰夜半
聲大鳴則城中有火災

黑崑潭縣西

銅馬潭縣西山上有銅馬一沉香船一

鐵株潭縣西潭深無底馬希範鑄鐵鎮之

清心泉縣廳東沈瓚有記

北泉井縣治西北普庵寺前

四眼井縣治東北石上有泉天然流注街心一井二眼
去數步又一井俗名四眼井

龍頭井城內尤家巷水自鐵龍口出甚清冽遠近爭汲
以煮茗

噴玉泉縣東絕壁垂蘿泉聲潺潺落崑穴中吞而復吐
珠翻玉噴故曰噴玉泉

蝦井縣北二里辰州無蝦惟此井有之又云縣西南七
十里亦有蝦井

砂井縣西光明山上舊傳出丹砂今已絕產其中深莫

辰州府志

卷四

山川考上

三十一

測

鶯翅洲縣前江中

河上洲縣東一曰龍吟洲上有廣福寺有寶塔

三洲縣西南江中

康佳洲浦市上居人成村多種玉李甚嘉

附水利

馬底埧二 楊溪埧二 板橋保埧一 楊武保埧一

界亭埧二 荔溪埧一 茄葦保埧一 楊溪保埧一

乾溪埧二 淘飯埧二 青桐村埧一 散水保埧三

碣灘埧一 蓮花埧一 洞庭保埧一 清水保埧一

求岔埧一

瀘溪縣

廬山邑山總名

三台山在城北三里俗名虎頭山萬歷元年知縣王京
移建縣治以此山爲縣脉形若三台因以爲名上有
催龍菴崇禎十一年知縣梁宏任毀之山麓有接龍
橋亦爲梁令所毀雍正四年知縣陳煥重修山巒疊
聳俯視城邑烟火千家闐闐如繪武水環於東南與
沅水合流而下

香爐山縣東二里山形如爐爲邑治水口上有元武殿
辰州府志

山川考上

卷四

三十二

竹樹蕭朗石徑紆迴登高憑眺則羣山連蜷長川如
帶亦勝概也

叢山縣對河三里

鐵山縣東南十五里

望城山距城十餘里

天橋山俗名羊橋城西二十里兩山高聳百丈橋跨兩
山之巔寬三尺許行者目駭心悸山半有洞相傳有
仙居其中農夫樵豎間有見者白氣瀰漫山谷遊人
儼在霧中自下仰觀如長虹之橫霄也過橋里許有
小山上有古殿殿側清泉涓涓不息右折則香爐蠟

燭二峰皆形似山畔有碁盤崑西北有汲泉石徑有禪堂華嚴閣後山益高峻險峭異常遊者援而上有古寺更歷百十級離天咫尺矣頂有北極宮四顧宏敞邑中最勝處

馬腦山距邑二十里農家常以山頂霧氣占晴雨鮮不應者

野鋤山縣西北二十里

銅馬山縣西四十五里山上多松風吹如波濤澎湃思麻山縣西六十里上有兩山屹立相向

居住山縣西八十里山旁有石室穹窿深廣可容數百

辰州府志

卷四

山川考上

三十三

人

阿那山縣西九十里

蘭泉山縣南二十里飛泉直下如練其下有洞名曰蘭泉俗呼響水洞

田記山縣南二十里平地出水分流西爲鮎魚溪東爲天門溪火烙溪

展誥山舊名連竭提山縣南四十里其山望北而來蜿蜒連屬屹峙縣前若展誥然

鳳凰山在浦市北峻嶺翱翔儼然飛鳳上有古剎

大朝山距邑六十五里浦市之祖山也明建真武殿於

其上

龍鳳山在麻隴有菴

踏湖山縣南一百三十里界連麻陽

雲頭山城西北十里出北門沿小溪溪水清激絕可聽
過白泥田入崖門上大阜三里許有村名中排林炊
烟時出幽篁古樹間里許至秀才陀卽山麓也山勢
壁立石徑崎仄緣石磴而上數十級有雙石峙如門
更盤旋數折上頗寬曠可容數十人昔時居民避寇
其中井泉出石穴大旱不涸山頂有佛寺雲氣高寒
松筠夾翠可以忘暑

辰州府志

卷四

山川考上

三十四

文峰在縣治南乾隆二十八年知縣吳珣募建浮圖七
級

權峰俗名稱鉞山橫峙於東障塞水口邑之鎮山也山
下有潭沅武二水合流匯而爲淵中有蛟崖半有泉
清冽甘美夏月行人及舟子競飲之城中人掉舟往
汲者絡繹不絕山右隅有石長三尺許每春夏水漲
洪濤不能沒秋冬水涸汙泥不能浸昔有人移之潭
底後復見於舊所邑人謂之神石山頂上石不常崩
崩則邑令多去水邊有大石雷劈兩開至今猶存
天堂峰縣南一百二十里山勢高峻陟之若登天然

鎗架峰城北十里三峰駢峙尖秀高聳山半舊有菴乾隆十六年各村民輯資勅元武殿於山頂石級直上于雲霄下臨絕澗佳境也以舊庵爲茶亭行人憩息於此

虎頭崑卽三台山之中峰也山形怪偉若虎頭元末邑人楊添輓立寨以障居民明移縣治更名三台名與地稱也

辛女崑縣西南三十里與沅陵界危峰高聳有石屹立如人相傳高辛氏之女所化

機崑一名牀機輿辛女隔江對峙詳見沅陵

辰州府志

卷四

山川考上

三十五

馬嘴崑縣東二十里昂藏類馬左右二竅直透若馬耳觀音崑在石馬稍上相傳有漁父宿崑下夢石將墜起掉舟北岸未泊而石墜晨視之見石隙中黃金色若佛鑄像云

騎馬崑縣西二里

偏崑縣南三十里卽玉華洞說詳沅陵

鷓子崑在白沙灘中

鹿耳崑縣南四十里臨沅水旁奇秀殊絕沅陵兵備道胡鰲邑人太僕卿李樂讀書其中有鹿泉歌

盤古崑在西北一百一十里

□盤崑縣東南十五里

燕子崑在大溪內

仙人崑在上汊溪離城二里

蜂子崑縣北八里白土溪之上與權峰對

小紅巖屋在白土溪內耕牧者常於此避風雨行人往來常憇息焉

大紅巖屋中可容數十人

水月崖在蘭泉洞左幽敞清虛狀如新月可坐百餘人
嘉靖中知府徐楚題名鐫石

崖門在大溪口左右山高峻如門樹木陰翳積雪尤甚

辰州府志

卷四

山川考上

三十六

晴霽則風景最佳

仙人洞離城里許大石雙峙上有藤蘿糾繞儼如雲封
中則虛空洞達相傳昔有仙人坐憇於此下臨小溪
水流涓涓可愛旁有井清冽異常暑月羣往汲之
土田洞縣東南十五里洞幽邃右畔石板上如小田狀
人稱千邱田以石燥濕占歲豐歉石壁諸象如獅如
亭臺如人立奇詭萬狀石峰鱗出飛瀑隱隱騰空迂
曲而下向裏視之則見嘉靖末知縣吳炳題爲一線
泉更洞名曰靈田以火燭之竅空半里許雖好奇者
未能窮其源也騷人墨客遊者甚衆

語仙洞縣西二十里天橋山下

蟠龍洞舊名楠木洞縣西七十里洞穴深邃水泉不竭
頗稱名勝遇旱祈禱輒應

石榴洞縣南十二里八九月間嘗於此得石榴

金井洞縣南六十里浦市洞內幽敞可容數百人洞中
流水涓涓不絕頗資灌溉

大魁洞縣南六十五里大朝山下洞深廣居民避兵其
中

陽鱈洞水自石隙而出性至清冽行人掬而飲之
臥虎洞內有清泉其味至涼可以解熱

辰州府志

卷四

山川考上

三十七

鹿洞縣北二十里鹿洞溪

蛇石洞縣東北三里香爐山下深邃莫測昔人祈雨入
洞四五里忽聞篙竹聲莫敢窮其境

鰈魚洞縣東南三十里辛女崑下

白牛洞縣東北二十里蒲溪口中有石似牛旱則鞭之
致雨縣南八十里亦有白牛洞其石白狀如牛

三洲洞縣東北十七里

鯉魚洞縣西南二十五里有入洞得魚者雨立應
飛水洞縣南九十里水從半山涌出旱禱立應

獸洞縣西八十里

七峰洞縣西八十五里

荒茅嶺縣北楊劉溪

鹿子嶺在三台山下多宋元人墓有碑記

長嶺俗名鰲魚形岬而長左右疊嶂橫空晴嵐凝碧臺
榭相望村落稠密農歌樵唱往來不絕一佳境也

藤子嶺在城西

好漢坡在天橋山下高聳雲霄昔有人褰衣直上絕頂
故名舊有講經禪堂歲久傾頽其址尚存自此而上
皆羊腸鳥道路甚危

望州坡縣東十里勢甚峻登之遙見府治其下卽源長

辰州府志

卷四

山川考上

三十八

衝也

五更坡浦市後相傳兵行至此恰直五更

下岡坡縣西七里

筭子坡縣西三十里

擂鼓坡縣南三里

仙槎壑縣東二十里

接脉提縣西半里宋德祐間建康熙六十一年重修知
縣王光夔記

赤山坳縣西南六十里

盧水在縣盧山下經盧而逝合沅水武水而交流□□

卽盧江或因邑而名也

按盧山注云邑山總名則盧水所謂在邑盧山中者原未嘗有此水因沅水武水合流東注卽謂之盧江耳

沅江詳沅陵縣

武溪縣志云卽古澠溪源出武山今乾州廳境在邑西一百

五十里又謂之武陵溪亦五溪之一漢書馬援傳註澠作武在今辰州界澠江五江之一首受故且蘭南流至無陽故縣今芷江縣又東流入沅曰在辰州界則非故且蘭明矣南史在武陵者有雄溪櫛溪辰溪酉溪

辰州府志

卷四

山川考上

三十九

武溪謂之五溪蠻荊州記五溪有武溪無澠溪綜而閱之澠之爲江武之爲溪也明矣且武陵名溪實始於此非如後之武陵名縣在數百里之外至於名郡又加廣焉馬援門生善吹笛援作歌以和之曰武溪深卽此援雖未曾至是不妨卽是以托興也說詳謝鳴謙五江五溪考

熊溪在縣西六十里縣志云古作雄乃五溪之一按溪與武溪同出瀘溪之西而修不及其半且居者行者莫不知有武溪未嘗有問及熊溪者會同之雄溪則人皆知之矣故熊但可云瀘之一水不得混爲五溪

之雄詳謝鳴謙五江五溪考

沙溪縣東三里與沅陵分界

仲溪縣東三十里

耍溪縣東四十里

高橋溪縣東七十里

古廸溪縣西五里水最清溪上有石橋涼亭以憇行者
羊眼溪縣半里許

磯尾溪縣西二里有石橋明萬歷丁丑年建天啓乙丑
年修邑進土石廷舉有記

增佳溪縣西三里許

辰州府志

卷四

山川考上

四十

慕田溪縣西五里

清江峒河城西十里清江峒灘名也水以此得名久之
削去清江遂稱峒河明史稱峒河以此由此直達乾
州左有石橫江中流一線僅容小船水急灘險紆折
而行觸石則舟覆過者心怵

蘇木溪縣西十餘里有石橋有菴乾隆十四年水漲片
石無存行者苦之十五年邑人斂貲重修

麻溪縣西三十里

思麻溪縣西四十里

紅舒溪縣西八十里

鎮溪縣西一百五十里發源鎮溪山入武溪

新寒溪鎮溪所東二里

鴉溪縣西一百六十里水自崇山衛大龍洞小龍洞發源入武溪溪有石穴七淵深莫測

按鎮溪鴉溪俱與乾州切近不知當日何以大牙相錯乾州對面江外卽屬瀘溪而瀘溪之地入乾州界內迤東一線直抵而北故二溪皆屬瀘境然未有過乾州而不登紀載者故仍錄於乾州也

火烙溪縣南二里

天門溪縣南五里

辰州府志

卷四

山川考上

四十一

鶴崑溪縣南五里

水田溪縣南八里

桑溪縣南九里又有大桑溪在江東

高水溪縣南十里

蝦母溪縣南十里

澇溪縣南十里

小皤溪俗作婆溪縣南十里

紅上溪縣南十五里

能溪縣南二十五里

壘篷溪縣南二十八里

桑木溪縣西三十里

辛女溪縣南三十里

土橋溪縣南六十里

浦溪縣南五十五里在浦口之上爲浦市相傳舊設江之東明徙江之西當春水泛漲掉舟其中但見桃紅柳綠鳥啼花落步步引人入勝

連溪縣南六十里

峰堆溪縣南七十里有橋

雙江溪在青草

達嵐溪縣南七十五里

辰州府志

卷四

山川考上

四十二

燕山溪在縣南

白頭溪縣南八十里

合水溪縣南一百里以二水合流而名

鰲溪縣南一百一十里

縣後溪發源三台山在縣治北

大龍溪縣北八里沅瀘交界有石橋

大溪縣北三里

楊劉溪在縣北相傳昔有楊劉二賢隱此故名上有大石橋下爲周士溪

洪水溪縣北二十里

□□□□□□□十□曰上歐溪下歐溪桃溪在其下□□

黃蓮溪通上歐溪

芋頭溪□□溪合

茶盤□□□三十里

甘草溪縣北三十里其流合歐溪

炭□溪縣東北一里

白土溪縣東北二里有大石橋

柳葉溪在縣對河

小龍溪縣東北十里

白水溪縣東北四十二里

辰州府志

卷四

山川考上

四十三

虎納溪縣對江南向

小船溪縣西北一里

宋四溪縣西北十里

燒燃溪縣西北

榔木溪縣西北十五里

白羊溪周家莊內

螃蠏溪順岡田

□魚溪縣西南三里

洗溪縣西南二十里舊爲縣治後改爲縣場坪設土□

檢司一員今廢居民多以造紙爲業

松手溪在崖門內

稱鉞潭在權峰下每逢水漲上流竹木雜卜沿河居民
取以爲薪諺云清水自米自來柴是也

老鴉潭在香爐山下

龍潭縣西半里許

白沙潭縣南十里

兒婁潭縣南十里

桐木潭縣南十五里秋冬出芝麻魚味甘而肥

辛女潭縣南三十里

鐵桂潭縣南辛女山下

辰州府志

卷四

山川考上

四十四

銅馬潭銅馬崑下

石鼓潭在蘇木溪

青魚潭縣東二十里週圍皆沅陵地中有茶園衝梨子

坪香爐梨木衝共十七畝係瀘溪額糧

崑角潭縣東南八里

曲望潭縣東南十里

柳潭縣西十里見古蹟

清水潭縣十餘里

黑潭在能灘下

象池在白沙灘右一在洗溪

一線泉在玉田洞內

劉家灘縣南五里

娥眉灣其水深不可測在浦市

白沙灘縣南十里

上保灘縣西五里

獬獅灘縣西十五里

且岐灘縣西自橫溪至且岐峭石奔湍最爲陡險而壁溜夾船橫崑崑頭諸灘尤其著者

武口洲縣東武沅二水左右分流延袤五里許又名五里州

辰州府志

卷四

山川考上

四十五

鮎魚洲縣西南三里

上保洲縣西南五里

下灣洲縣東北里許

康佳洲在浦市沅水中與辰谿交界

溫溪井縣南七十里遙佳坡

四方井浦市街後四時不竭

釣井浦市水深三丈餘亦四時不竭

金井去縣六十里

龍眼井北門外接龍橋左右

權峰井在山麓味清甘盛暑邑人多汲之

雲頭井在雲頭山邑人避兵山上水可給千人

附水利

在坊一圖 陂四所 塘十一

在坊二圖 陂一所 壩一所 塘二十六

一都 塘九

二都 陂三所 圳三所 塘二

三都一圖 陂一所 塘十一

三都二圖 陂三所 塘二十八

三都三圖 塘五

三都四圖 陂二所 塘九

辰州府志

卷四

山川考上

四十六

三都五圖 陂一所 塘三十三

四都 陂二所 塘四十八

五都一圖 塘十一

五都二圖 陂二所 圳二所 塘二十五

辰谿縣

九股山城東八十里上有九十九峰辰溆二縣發脉之處頂有九池脉連熊首山結爲縣治

熊首山在城北其峰突出宛如熊首俯臨一邑上有牛蹄泉枯旱不涸山麓一洞洞內深邃洞外一池積水常滿清冽異常上有桂花覆池名桂泉通城汲飲

大酉山縣南十里名勝志云白銅仁萬山來至縣南西
向結爲大山山下有洞名大酉洞深廣二里石筍倒
垂泉若雷轟奇形怪狀莫可名悉昔產丹砂自洞水
流出廣記云第二十六洞天穴生雲母崖滴丹砂卽
此地也

唐效堯遊大酉洞記略云再三求之不得一日與
族從子銑遊甚熱見溪而喜將就浴焉予問溪所
從出銑曰酉洞也予問洞奚在銑指山上樹鬱然
者緣溪行野芳襲人溪延步紆失來之處及入洞
一小碑嵌石罅中萬歷間曹邑侯行健所題也其

下碑甚多甘泉湛先生陽明王先生及吾郡麻陽
太僕滿先生俱有題咏餘碑或刳或斷多漫漶不
可讀洞敞若廳事剝而治之可布百許人席旁多
怪石奇詭廉崿谿舂處多燕壘壁間或如雲皴如
波紋或如巧婦繡再入又有敞者而更幽水流自
洞出觸石鏗然鯨魚不甚畏人鱗鬣如在鏡中過
橋有口窺之窅然髣髴若風號又若雷隱隱者益
欲窮之怖而輒止按辰谿大酉皆以爲人所封口
而不知敞若廳事豈人所能秘哉效堯雍正八年
進士王湛諸碑今皆未得見

丹山在南門外迤西辰沅交滙之處壁立萬仞上有菴
窻櫺映水山碧風清頂有果老丹池

時駐山相傳諸葛孔明行師駐此名勝志作時住究之
應爲師駐山

龜山峙立江邊其形如龜上有陳崇政羽化墓記

筆架山與丹山相運山峰連峙宛如筆架

房連山縣西四十里連峰接岫狀如房屋

五峴山縣南七十里五峰相峙叢薄敷秀桀竦雲霄

仙靈山縣東南一百二十里石壁巉巖景概幽絕舊傳
神仙所居

辰州府志

卷四

山川考上

四十八

觀音山懸巖垂磴石壁飛泉

紫山崑峰秀麗有紫石

伍城山楚威三使將軍莊躋定黔中因山連城

羅子山縣東一百二十里絕頂有泉禱雨立應淑浦黔

陽辰谿三邑言可俯視相傳昔羅公遠之子修道於
此故名

紫金山在城南天口峰

鳳凰山縣南七十里

金子山舊爲鐵礦

從龍山康熙三十四年邑令沈天漢造寺並募修石橋

□至今賴之

龍陽山縣南七十里萃嶽嵌巖高插雲表遠望之若夏雲奇峰密離無際四季不分晴雨半在烟霧中山巔有佛殿二層覆以鐵瓦相傳明建文皇帝遯蹟過此書有雲中帝闕四字

大冶山原係虎穴僧朗慧見此地峰巒結秀欲創梵刹向虎導意虎竟遯去左廊有千僧鍋二

大靈山縣東五十里

西竺山縣東七十里

佛泉山縣南三十里

辰州府志

卷四

山川考上

四十九

大圖山縣南四十里

鷹山縣東里蜿蜒而來矗起壁立飛鳥未易以上錦江帶其前龍門澗襟其左其右挾熊首其最右撫丫髻摩九峰鷹山方高拱其中亦山水中之有異品者也明經余子錦有記存藝文中

轎山形似轎

大奇山縣東八里

中華山縣南九十里形勢崔巍泉流不竭

龍牙山縣南七十里孤峰獨秀羣山環繞

婁山媳山城東二十里二山隔河對峙右山宛如人形

雙手拱拜

文華山在黃溪洞

香爐峰縣東十五里峭壁天晴矗立雲表

爐坡縣東二十里高大十餘里

長坡縣東四十里

蘆茅坡縣西十三里上有庵中有亭

潭爐坡縣南六十里高大數十里

大面坡縣東十五里

九峰嶺在縣對河其峰有九

高盤嶺

辰州府志

卷四

山川考上

五十

九嵒城東四里縣之來脉有九嵒矗立拱向其菴曰九菴

丫髻嵒城東四十里勢若丫髻常有雲霧騰空上有一石彷彿人形

磅礪嵒俗訛礪磅嵒在城對河石壁懸江下有泉水從鏡鼓洞出上建丹山寺

石榴嵒城西門坎下

白面嵒縣東南三十里高十餘丈廣如之遠望如人面故名

錦鷄嵒縣西北三里石壁橫江爲邑水門日光照之金

色晃耀上有寶塔七級

雷打崑縣南十七里

鏡崑俗呼鏡面崑縣東七十里崑上有二鏡照人物朗然若畫下有池若銅盆深廣約七八尺世傳神仙遺跡

飛水崑縣東五十里高數丈上有源水從崑飛下如挂白練流入椒溪

大崑縣南二十里高廣百餘丈層嵐疊翠時興雲霧內有二石若人立

石馬崑縣南二十里

辰州府志

卷四

山川考上

五十一

丹山洞洞在丹山頂洞門寬二丈高五六尺深四丈許內漸幽邃不可行康熙二十年邑令朱兆梓建菴三重於洞口一重如過廳二重面水爲窻俯視石壁千仞上有汲飲臺三重覆洞門崖壁洞口北崖石如蒲團形

鐘鼓洞在丹山洞西洞口寬一丈高四尺內深邃曲徑直通山頂有平石擊若鼓聲懸石三角若古磬每雷起風作鏗鏘若鐘鼓聲後有人鑿石磬一角遂不鳴仙人洞在丹山西洞門逼窄不可入洞口有沉香尺半藏坎內半露坎外陰雨卽縮入二尺許晴明如故俗

呼魯班尺

潭蘿山前洞虛空挂雲靈怪如鬼潭蘿山中洞雷聲發
地水坎盈科潭蘿山上洞窮幽發興以怪益美蓋潭
蘿有十八洞而明經余子錦以三洞該之也余明經
俱有詩存藝文

桐木洞栗子溪發源泉深莫測灌田百石

葛坪洞出泉深邃灌田百石逢旱禱雨卽應

羅水洞出泉灌田

尺若洞出泉灌田百畝

蓮花洞洞口似花

辰州府志

卷四

山川考上

五十二

薄荷洞無泉

穿崖洞其洞穿山出泉灌田三百畝

老虎洞

朋沙洞出泉灌田百畝四季不枯

溫氣洞出泉灌田百石

月朗洞內有容光如月其深莫測

八仙洞石形似之

溫崖洞夏涼冬溫出泉灌田百畝

笙沉洞出泉灌田百畝

銅盆洞形似銅盆上有飛泉入盆內流入白竹坪至柿

溪入江

黃葭洞縣東三十里水注桑溪

溫佳洞縣東三十里水注桑溪

水衝洞縣後半里許居民汲者甚衆

金鷄洞城東六十里水注思羅溪

溫水洞城南四十五里水注梨溪

板山洞城南四十五里水注嵩溪

燕子洞城南四十五里闊數丈深無底水反入內不知

何去

爻通作

洞城南五十里水注龍門澗

辰州府志

卷四

山川考上

五十三

茶葉洞城南八十里水注中河橋

虎洞城西十里濶大若屋崖上懸珠遊覽往還潔淨可

愛

鮎魚洞城西十五里水可灌田

葡萄洞縣西一里許挂壁濱江冬溫夏涼邑人常讀書

其處

按此數語縣志載蓮花洞下誤

馬耳洞縣北十里禱雨甚驗

蓮花洞縣北里許熊首山下石壁通穴甚窄長數十丈

左右門見天上有崑屋石乳滴成蓮花故名蓮花洞

山門洞水自鳳凰山出其石屹立流一百里入於仙門洞其石竇如城圈石盤沙渚環踞水勢洶湧納入竇中伏而不見約一里許復出於洞後石竇

辰江水經注云三山谷東南流獨母水注之又云獨母水源出龍門山北入沅漢書地理志辰水出貴州梵淨山南逕溪口至銅仁施溪司流入麻陽逕縣城南北流二百三十里至辰谿縣城西入沅詳劉豹五江考

按辰谿縣志云出羅子山又云出龍門山考羅子山有水瀨溪甚小發源其處離城一百五十里辰

辰州府志

卷四

山川考上

五十四

溪並無龍門山惟有龍門溪源不甚長恐不足當九江之一或疑麻陽既名錦江不宜亦名辰不知錦州之名自唐始辰水已久名於九江不得舉後廢前

霜溪城南二十里出縣上南門入沅江明經余子錦有霜溪別墅記存藝文

柿溪去城三十里入沅江

黃溪城東一百里入沅江

嵩溪城南四十里入沅江

龍門溪城南三十里入沅江

梨溪俗稱野梨城南十五里入辰江

羊溪城南五里直通大江

柔溪城東九里直通大江

眞溪城東十三里直通大江

修溪城東二十里直通大江

梓溪城東七十里與溆浦交界通大江

龍潭溪城東五十里與沅陵交界入柿溪

黃桑溪城東一百里九曲水入大江

麻溪城東一百三十里入黃溪

思蒙溪城東一百里與溆浦交界入柿溪

辰州府志

卷四

山川考上

五十五

思羅溪城東九十里與沅陵交界入柿溪

老寨溪城東一百四十里通溆江

石溪城東一百六十里入沅江

百堰溪城東一百五十里與溆浦交界入黃溪

蒲溪城東一百八十里與黔陽交界入沅江

水獺溪城東一百五十里從羅子山發源會黃溪

椒溪城東五十里山峰孤秀松林茂密溪水環繞如帶

出柿溪入沅江詩人米肇灝梁若隱此

焉溪城南七里入沅江

老莊溪城南九里入沅江

沙墩溪城南五十里與溱浦交界入沅江

黃埠溪城南十五里入沅江

蠟天溪城南八十里入沅江

茅園溪城南一百一十里入沅江

中一溪城南一百三十里與黔陽交界入沅江

清水溪城南一百里水入龍門澗

水沙溪城南一百六十里與麻陽交界入於江

皜潭溪城南一百五十里發源與芷江交界入龍門澗

小龍門溪城南五十里水入大龍門澗

龍盤溪城南二十五里入於江

辰州府志

卷四

山川考上

五十六

東流溪城南里許入於江

洪河溪城西十里發源麻陽交界入於江

桐灣溪城南五里入於江

魚化溪城西十五里

濤州溪城西三十里發源瀘邑界入於江

錦崑溪城北三里入於江

李子溪城北十五里入於江

小洞溪城北二十五里與沅陵交界入沅江

宋家溪城北十里入沅江

洞水溪出自大酉洞中入辰會沅江

龍門溪南注龍門入辰會沅江

龍門澗崖石峻峭有龍居其中石上有痕

仙靈澗在仙靈山下清冽有瘡疾者沐之卽愈

龍潭其深莫測龍蟄其中

仙李潭昔有仙李一株

天星池長一百丈濶半之星殞成池

鷓鴣灘城南八十里亂石橫江舟楫戒嚴

木洲洲有大石自江心突出形若小山雖歷汪洋永無

瀾漫洵可居之地也後改名中洲民居田產足爲樂

境

辰州府志

卷四

山川考上

五十七

附水利

方田鄉陂塘堰埧五十五 酉山鄉陂塘堰埧五十

銅山鄉陂塘堰埧六十四 石馬鄉陂塘堰埧三十

碧澗鄉一百三十三埧 大村鄉一百八十五埧

斜灘鄉陂塘堰埧六十五 板溪鄉陂塘堰埧七十二

桑溪埧城東二十里灌田百畝餘

大段埧城東十五里在直溪灌田數十畝

龔家埧城東二十五里在修溪灌田數十畝

舒家埧城東三十五里在柿溪灌田數十畝

歐家埧城東三十五里在柿溪灌田數十畝

老埧塘城東三十五里在思羅溪灌田百畝

龍潭衝上下二崑埧城南三十里在嵩溪上埧灌左坪田百餘畝下埧灌右坪田數百畝

蘆衝埧城南四十里在梨溪灌田二百餘畝

清水埧城南八十里在龍門溪灌田百餘畝

柳林埧城東九十里在黃溪灌田百餘畝

板山埧城南四十里在嵩溪灌田三百餘畝

鎗溪陂在一都

古塘在上二都

磨石塘在下二都

辰州府志

卷四

山川考上

五十八

龍潭溪在一都

後塘在四都

廖家陂在五都

新塘在六都

辰州府志山川考上第四終